

բուժիւն և բանականութիւն հոգւոյ մերոյ, որ ՚ի յայնմ ժամանակէ կայ և մնայ բանական և իմաստութեամբ զօրութիւն ՚ի մէջ հոգւոյ և մարմնոյ մերոյ մինչև ՚ի կէտ սահմանին իւրոյ, ուրեմն ո՛չ թէ միայն հարկ այլ յատկապէս պարտ ՚ի վերայ մեր կայ պահել այս շնորհալի զօրութիւնն հոգւոյ մերոյ ազատ անարատ տէր և թագաւոր ՚ի մէջ մարմնոյ աշխարհին մերոյ զի մի՛ գուցէ ծուլութեամբ և անզգոյշութեամբ կողանալով թոյլ տացուք զօրութիւն ազատութեան մերոյ մտցէ ՚ի ծառայութիւն, և շնորհն ազատութեան բանականութեան մերոյ ո՛չ հարկաւորի ո՛չ գանձոց ո՛չ ոսկոյ, ո՛չ երծաթոյ և կամ ականց պատուականաց, վասն զի սոքայ ամենեքեան պատճառեն անօրինաց անիրաւանալոյ, վատթարից հաջոյանալոյ, ստախօսից կաշառօք արդարանալոյ, անարժանից պաշտօն գտանելոյ, ծերոց ընդ կուսի ամուսնանալոյ, այլ ազատութիւն բանական բնութեան մերոյ միշտ փայլի ՚ի մէնջ ամենայն ժողովրդոց մեծաց և փոքունց, որ երբեմն հովիւ մի քաջ որում ընդիմանայ գայլոց և անձն իւր դնէ ՚ի վերայ ոչխարաց, բարեգոյն ազատ և պատուելի մարդ կարէ լինիլ քան թէ իշխան մի երկչոտ յոռի և ծուլ զի տացէ տեղի ցրուելոյ ժողովուրդս իւր։

Նակս ամենայն Օրէնք և սահմանք ՚ի բանական բնութեան համեմատ ՚ի բանական գօրութենէ հոգւոյ սահմանեալ ՚ի ճաշակս բնու-